

Ca Cangzgveih Coi Fazcanj Daez Cizlieng

抓常规 促发展 提质量

——Geiq Denhngoz Yen Luzbaiz Cin Yinzbangj Siujoyz Cuengh Gun Song Sawvah Sonhag

□ Bonjbauq gicej Yenj Gijcih Suh Gyahgvai

Itcig gvaqdaej, Denhngoz Yen Luzbaiz Cin Yinzbangj Siujoyz cungj dwg nyinhcaen ciuqei baihgwnz doengjit anbaiz, gaengawq aen iugouz 《Gvangjsih Bouxcuengh Swcigih Yivu Gyauyuz Yozyau Cangzgveih Gvanlij Gveihding》, aeu daezsang banhhag cizlieng guh haedsim, aeu daezsang lauxsae duivuj suciz guh gvanhgen, aeu aen cunghcij yinzminz muenxeiq bae banhhag, cingsim cujiz, gohyoz bae maeuzsuenq, cauxmoq gunghcoz gihci caeuq banhfap, gaem ndei aen hong cangzgveih guenjieix, yungh aen banhhag lijnen “guenjieix gangj gveihfan, fazcanj naek youq neihanz, vwnzva miz daegsaek” bae saedyienh hagdangz cangzgveih guenjieix ciduva, gveihfanva caeuq gohyozva, cingzcik yienhda.

Yinzbangj Siujoyz dieg youq Denhngoz Yen mbiengj doengnamz, liz yienhsingz 12 goengleix gyae, youz Luzbaiz Cin daej guenj. Baihlaj lij miz Luzye, Bazgei song aen gyauyozdenj dem. Dangqnaj, hagdangz miz hagseng 254 vunz, 13 boux lauxsae, hagseng youq ndaw hagdangz ninz 122 vunz, lauxsae habgeklwd 100%.

Yinzbangj Siujoyz youq 1959 nienz laebbanh, 1998 nienz ginggvaq Gvangjdungh Swngj Fulenz, Gvangjsih Gih Fulen yien sienq dap giuz, ndaej daengz Yanghgangj Cindai Cizdonz Gunghshw gien ngaenz 30 fanh maenz, hwnj doengh laeuzsonhag ndeu 702 bingzfuengmij, 1999 nienz youh ndaej daengz Yanghgangj Cindai Cizdonz Gunghshw gien ngaenz caiq hwnj aen laeuzrugninz hagseng ndeu 630 bingzfuengmij. 2008 nienz, youh ndaej daengz Aumwnz Yizvaz(gozci) Fazcanj Youjhan Gunghshw gien ngaenz 30 fanh maenz hwnj doengh laeuzcunghab he. Ndaw ransaw hagdangz gungh miz 2906 cek saw, bingzyaenz moix boux hagseng 9.8 cek, miz gak cungj sonhag yizgi 189 gienh, hagdangz ciemq dieg menciz 6667 bingz- fuengmij.

Hagdangz guenjieix ca ndei roek aen doedok:

1、Doengjit swhsiengj, daezsang nyinhrox, doedok gaijbienq gvanhnen;

2、Laeb gihgou caezcienz, dingh ok fangh'an, doedok cienzmienh anbaiz;

3、Hagsib dungyenz, doedok gvangjfan senhconz;

4、Lingjdauj yawjnaek, haenq-rengz cibcuk, doedok aenhong yamq hwnj mbaek lae moq;

5、Gyagiengz beizyin, doedok daezsang yezvu suijbingz;

6、Ra ok giz guh mbouj daengz, doedok coicaenh hozdung.



▲Roekit vwnzyi byaujyenj.



▲Bakdou hagdangz.



▲Ngonz heijbauq.



▲Ranzysaw.



▲Byauhcunj Vahcuengh ganggoj doxdax ndaej ciengj hagseng.



▲Nyez gungzhoj ndaej daengz veivwnginh.

Hagdangz genheiz “seiq aen ca ndei” daej gveihfan hong guenjieix:

1、Ca ndei hagdangz guenjieix. Hagdangz daj goek daengz byai aeu guenjieix daej coi gveihfan, aeu guenjieix daej coi fazcanj, aeu guenjieix daej coi cizlieng, aeu guenjieix suijbingz daej guh muzbyauh, yiemzgek ciuqei aen 《Cangzgveih Guenjieix Gveihding》 bae caenh' itbough guh gyagiengz hagdangz hingzcwng guenjieix, gveihfan saeseng guenjieix, gyauyuz sonhag guenjieix, yiemzgek caizvu caeuq swhecanj guenjieix, mboujduenh ghengzvaq hagdangz ancienz caeuq ndaw hagdangz guenjieix.

2、Ca ndei hong gamduk genjcaz. Hagdangz faen guh anbaiz, hagsib, gag caz, caezcienz daengj seiq aen gaiduenh, lai baez cujiz gyoengq lauxsae doiq gij hong cangzgveih guenjieix cingzgvang bae guh gamduk genjcaz, dazyinx, gibseiz fatyienh caeuq gaijgez gij vwndiz youq ndaw hong cangzgveih guenjieix, gveihfan caizliuh laeb dangian daengj, coicaenh daezsang aen suijbingz daej guenjieix hagdangz.

3、Ca ndei hong cwnjgaj. Cimdoiq genjcaz okdaej miz gij vwndiz haenx, yaucangj gibseiz lwnh hawj gyoengq lauxsae nyi, iugouz dawz vwndiz bae faengaj, lied ok cingdan, itdingh aeu cwnjgaj ndei.

4、Ca ndei gveihfan guenjieix.

Hagdangz cizgiz ciuqei gyauyuzgiz doengjit anbaiz, doiqciq “Cangzgveih Guenjieix Gveihding”, coihdingh caezcienz hagdangz 《Canghcwngz》, laebhwnj laebcaez hagdangz cangzgveih guenjieix gak hangh gveihcangh cidu. Hagdangz gak caengz guenjieix yinzyenz faengoeng mingzbez, cwzyin roengz daengz gak boux bae.

Cienzsaeg guenjieix “bet aen miz”: Guenjieix suijbingz miz daezsang; ancienz gyauyuz miz cauxmoq; ganq vunz vanzging miz youhva; hagdangz vwnzva miz binjvei; banhhag diuzgen miz gaijndei; hong dwzyuz miz yaugoj; saeseng mienhmauh miz bienqvaq; banhhag cizlieng miz daezsang.

Hagdangz doenggvaq gyagiengz cangzgveih guenjieix, gveihfan sonhag hingzveiz, hai goqcwngz caez bae; gyagiengz yenzgiu sonhag, lauxsae yezvu suciz ndaej daezsang haujlai, hagdangz gyauyuz sonhag cinbu daih, hagdangz sonhag cingzcik lied youq ndaw cin vih doekgonq, hagdangz bizyebanh bingzguj caeksawq mauhgvaq ndaw si dingh ok gij muzbyauh haenx. Yinzbangj Siujoyz gonqlaeng deng bingz guh “Denhngoz Yen Dwzyuz Gunghcoz Senhcin Danhvei”, “Denhngoz Yen Cangzgveih Gvanlij Youhsiu Yozyau”, “Hozciz Si Ginzgungh Genyoz Senhcin Danhvei”, “Hozciz Si Gyauhdungh Vwnzmingz Sifan Yozyau”, “Hozciz Si Bujgiz

Cuhdwngj Gyauyuz Gyauyoz Cizlieng Youhsiu Yozyau”, Hozciz Si Cangzgveih Gvanlij Youhsiu Yozyau, Hozciz Si caepguh “Doxhuz Bingzan Hagdangz” Senhcin Danhvei, Hozciz Si “Yauyenz Vwnzva Gensez Senhcin Yozyau”, Hozciz Si Yozyau Yaubwnj Goqcwngz Yenzgiu Senhcin Danhvei. Daj 2000 nienz hwnj daengz seizneix laebdaeb aeundaej Hozciz Si Siujoyz Bizyebanh Suciz Bingzguj Caeksawq Daz(cauh)byauh Ciengj, daengxgyoengq lauxsae cungj cienzbouh camgya sigaep “Yaubwnj Goqcwngz Caeguq Lauxsae Conhyez Fazcanj” goqdaez yenzgiu, youq gyoengq lauxsae ndawde miz 6 bien lunvwnz aeundaej sigaep ciengj, miz bien lunvwnz ndeu ndaej daeng youq gwnz ganhvuz gihgaep, miz 2 bien lunvwnz ndaej daeng youq gwnz ganhvuz sigaep, miz 2 boux lauxsae camgya sigaep ndawdangz sonhag doxdax aeundaej ngeih daengj ciengj; youq ndaw bi 2009 daengx yienh lauxsae gihbwnjgungh doxdax hozdung gwnzde, ndaw hagdangz miz boux lauxsae ndeu aeundaej Daengx Yienh Yijvwnz Ndawdangz it daengj ciengj, miz boux lauxsae ndeu aeundaej “Cih Sam Bit” it daengj ciengj. Hagseng aeundaej Gvangjsih Gih Siujhagseng Byauhcunj Vahcuengh Caizyi Byaujyenj ngeih daengj ciengj, 2014 nienz Gvangjsih Gih Siujhagseng Byauhcunj Vahcuengh Ganggoj Doxdax it daengj ciengj.